

Тазкия дарслари (144-дарс).Роббингиз Аллоҳдир. Подшоҳлик Уникидир

ТАЗКИЯ
144-ДАРС

Шайх Муҳаммад Содиқ Муҳаммад Юсуф роҳимахуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



17:00 / 10.07.2021 2486

Роббликда ширк келтириш

Аллоҳ таоло Қуръони Каримда:

أَدْحَأَنَّ بَرَبَكَ رُشْنٌ نَلَوْوَبَ أَنْ مَآفِ دُشْرُلَا كَلِي دَهِي

«...ва ўз Роббимизга ҳеч кимни ширк келтирмасмиз», деб мараҳамат қилган. (Жин сураси, 2-оят).

Аллоҳ таолонинг хотини ёки боласи бор деганлар Роббил оламинга ширк келтирганлардир. Шунингдек, «Аллоҳдан бошқа биров бандалар қудратида бўлмаган нарсани беради», деб эътиқод қилиш ҳам роббликда ширк келтириш ҳисобланади.

Аллоҳ таолонинг рубубиятида ширк келтириш ибодат ва улухиятда ҳам ширк келтиришга олиб боради.

Ҳукмда ширк келтириш.

Қуръони Каримда:

أَمْ عَمِيسَآوَبُ رَمْنَبَأُ صُرَالَاوَاتَاوَامَّ سَلَا بِيغُ هَلَاوُ شَبَلَا مَبُ مَلْعَأُ هَلَلَلَا لُق
أَدْحَأُ هَمَّ كُحِي فُ كُرْشُنِي الْوِيَلَاو نَم. هَوُدُ نَم مَهَل

مَلَوْ كَلْمًا يَفُكِرْشُهُ لَنْ نُكَيِّمَ لَوْ اَدَلَّوْ ذِيْ مَلِيْذِلًا هَلْ لَدُمَّ حُلَا لِقَوِّ
اَرِيْبُكَتْ هُرْبُكَوْ لِدَلَا نَمَّ يَلُوْ هَلْ نُنْكَي

«Сен: «Фарзанд тутмаган, мулкда шериги бўлмаган ва хорликдан қутқарувчи дўстга зор бўлмаган Аллоҳга ҳамд бўлсин», дегин», дейилган (Исро сураси, 111-оят).

Бу оятда Аллоҳ таоло Ўз Пайғамбарига бирон бир махлуқотга ўхшамаган ва султонлигида ҳеч бир шериги бўлмаган Аллоҳга ҳамд айтишни амр қилмоқда. У борлиқдаги нарсаларнинг молики – эгасидир. Чунки мулк Унинг қўлидадир. У Зот ҳар бир нарсага қодирдир. Барча нарсаларнинг эгалиги Унинг қўлидадир. Осмонлару ернинг мулки ҳам Унга хосдир.

يَفِيْ رَدِّ لِقَوْلِيْ اَلْاَلَلَا نُوْدُ نَمَّ مُتَمَعَّرَ نِيْذِلَا اُوْعُدَا لِقَوِّ
رِيْهَطَ نَمَّ مُهْنَمُ هَلْ اَمَوْ كُرْشَ نَمَّ اَمَهِيْ فَمُهَلْ اَمَوْ صُرَّ اَلَا يَفِيْ اَلْوَتَاوَامَّ سَلَا

«Сен: «Аллоҳдан ўзга гумон қилганларингизга дуо қилаверинглар!» деб айт. Улар осмонлару ерда зарра вазнидаги нарсага ҳам молик эмаслар. Уларга бу(икки)ларида шериклик ҳам йўқ. Ва У Зотга улардан бирорта ёрдамчи ҳам йўқ» (Сабаъ сураси, 22-оят).

Яъни, «Сиз валийлар – дўсту ёрдамчилар деб гумон қилиб, Аллоҳга шерик қилаётган, ҳожатингиз тушганда илтижо қилаётган «худо»ларингизнинг зарра миқдорича ҳам мустақил эгалиги йўқдир. Улар бу нарсаларда шерик ҳам эмаслар. Аллоҳга бирор нарсада ёрдам ҳам бера олмайдилар. Нима учун уларга илтижо қиласизлар ва нима учун уларга ибодат қиласизлар?!»

سَمَّ شَلَا رَّحَّ سَوَّ لِيْلَلَا يَفِيْ رَاةَنَّ لَلَا جُلُوْ وَيَوَّ رَاةَنَّ لَلَا يَفِيْ لِيْلَلَا جُلُوْ
نِيْذِلَاوْ كَلْمًا هَلْ مُكْبَرُ هَلْ لَلَا مُكَلِّدَ اَمَّ سَمَّ لَجَّ اَلْاَلَّ يَرْجِيْ لُكَّ رَمَّ قَوْلَاوْ
رِيْطَقَ نَمَّ نُوْكَلْمَيْ اَمَوْ هُوْدُ نَمَّ نُوْعُدَات

«Ана ўша Роббингиз Аллоҳдир. Подшоҳлик Уникидир. Ундан ўзга илтижо қилаётганларингиз эса данак пўстлоғига ҳам молик эмаслар» (Фотир сураси, 13-оят).

Бундан олдинги оятда Аллоҳ таоло кеча-кундузнинг низоми, қуёш ва ойнинг низоми ҳамда уларнинг жараёни Ўз қўлида эканини исбот қилган.

Ушбу оятда эса бутун мулк Ўзигагина тегишли эканини таъкидламоқда: «Ана ўша Роббингиз Аллоҳдир. Подшоҳлик Уникидир».

Агар мулк Унинг махлуқларидан бирортасида бўлганида, кечаю кундузнинг низоми ҳозирги ҳолидан бошқача бўлар эди. Қуёш ва ойнинг ҳаракати ҳам, уларнинг чиқиши ва ботиши ҳам биз кўриб турганимиздан ўзгача бўларди.

«Руҳий тарбия» китоби асосида тайёрланди